

INUIT ATAQATIGIIT

Inatsisartuni



UKA2019/Imm. 148

02. oktober 2019

Mikivisuk Thomassen

Uunga siunnersuut: Naartunermi, erninermi meeravissiarthaarnermilu sulingiffeqartarneq ullormusiaqartarnerlu pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.

(Peqqissutsimut, Isumaginninnermut Inatsisinillu Atuutsitsinnermut Naalackersuisoq)

Siullertut qjarusuppugut saqqummiussamut pingaaruteqartumut.

Meeqqap inuunermik toqqissisimanartumik aallartinnissaanut aqutissiuussisinnaasut tamaasa Inuit Ataqatigiit tapersersugaraagut. Ilaqutariinngorlaanummi meeqqamullu toqqissisimaneq inuunerullu pitsaasumik imminullu piffissaqarfigilluarluni aallartinnissaa pingaarluinnartooq ilisimalluarparput. Inuunerup pitsaasumik aallartinnera ilaqutariinngorlaanut taamatullu inuiaqatigiinnut siunissamut aningaasaliinertut taaneqarsinnaavoq. Inuunermi naarmiooqqaalernermit toqqissisimanartooq pitsaanerpaajusoq naammattumik uppersaatissaqarpoq – Peqqilluni inuunerinnissamut toqqammavissat pingaarnerit ilagilluinnarlugu.

Isumaqarpugut ilaqutariit meerartaalersullu meerarsiarthaalersullu inuiaqatigiinnut ima pingaaruteqartigisut, meerartaalerneranni meerartaareernerannilu meerarsiarthaarnerannilu ulluinik oqilisaassinissaq avaqqunneqarsinnaanani. Siunnersuut oqallisigisarput taamak siunertaqarmat taperserlugu oqaatigissavarput.

Siunnersuummut tunngatillugu iluarisimaarparput ilaqutariit piffimmi erninissamut periarfissaqarluarlutik ikaarsariarsinnaanerat periarfissarsiuunneqaleramat. Ilaqutariittummi meerartaarnissamut piareersimalluarnissaq pingaaruteqaaq, aammalu taama ippoq meerarsiarthaarniaraanni pilersaaruteqarfigineqartoq ilaqutariittullu imminerminnut ilikkarniarnermi pingaaruteqarluartoq.

Ilaatigummi §37 nr.150/2019-imut akissumminni Naalackersuisut ernereernerup kingorna sulingiffeqartarnermut aningaasaateqarfimmik pilersitsinissamik ukiaq manna qaqissallugu naqissusernikuummassuk ujartoqqikkusupparput suliaq sumut killissimanersoq?

Ilanngullugu upernaq oqallisigisarput imm. 53, Demokraatit Inatsisartunut ilaasortaatitarisimasaata Randi Vestergaard Evaldsenip siunnersuutaa:

“Arnat naartusut erninissaannut sapaatip akunneri sisamaannanngortut tagginneqarneraniit naartunerminnut atatillugu sulingiffeqartalernissaat pillugu Naartunermi, erninermi

meeravissiarternermilu sulinngiffeqartarneq ullormusiaqartarnerlu pillugit Inatsisartut inatsisaata nr. 14-p, 7. december 2009-imeersup allannguutissaanik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.”

Siunnersuut taanna inatsisissatut sammisatsinnut attuumassuteqarluarmat, Inuit Ataqatigiit uggoraarput ukiaq mannamut kinguartinneqarsimagaluarluni Demokraatiniit tunuartinneqarsimammat. Upernaarmi partiit akornanni ataatsimoorluarfiunera tusaasinnaagaluaratsigu. Pingaartumillu ilaqtariit meeqqallu inuuneranut aallartilluarnissamut tungavissiiinissamut siunnersuutip sammisatta, suli pitsaanerulernissaanut aqqutissiuussissusaagaluarnera uggorinninnitsinnut tungavigalutigu.

Erninermi meeravissiarternermilu ilaqtariinnut, siunissamullu sunniuteqarsinnaaneri iluaqutaasinnaaneralu pingaaruteqarpoq meeqqamut ulloq, ullup affaa allaat isumaqarput taakkua meeqqamut.

Suleriaqqinnitsinni peqataatitsilluarnissarput kaammattuutigaarput, inuiaqatigiit sulisoqarnermilu illuatungeriit politikikkut siunnerfitta anguniarnerani avaqqussinnaanngilagut. Ataatsimoorutta angusassarput killeqanngimmat.

Taamak oqaaseqarluta siunnersuut soqutiginarloq ataatsimiitsitaliami susassaqtumi suliarineqassasoq innersuupparput.